



MINISTARSTVO KOMUNIKACIJA I PROMETA BOSNE I HERCEGOVINE

Na osnovu člana 5. Zakona o međunarodnom i međuentitetskom cestovnom prijevozu ("Službeni glasnik BiH", br. 1/02 i 14/03), ministar komunikacija i prometa donosi

PRAVILNIK

O IZMJENAMA I DOPUNAMA PRAVILNIKA O UVJETIMA I POSTUPKU IZDAVANJA LICENCI I KVALIFIKACIJSKIH KARTICA VOZAČA ZA OBAVLJANJE MEĐUNARODNOG CESTOVNOG PRIJEVOZA

Član 1.

U Pravilniku o uvjetima i postupku izdavanja licenci i kvalifikacijskih kartica vozača za obavljanje međunarodnog cestovnog prijevoza ("Službeni glasnik BiH", br. 81/11, 105/12, 32/13 i 76/13), u članu 2. stav (1) na kraju teksta briše se interpunkcijski znak "tačka" i dodaju riječi: "ako upravljaju vozilima za koja je potrebna vozačka dozvola kategorije C, CE, D ili DE i/ili odgovarajuće potkategorije."

U stavu (2) na kraju teksta briše se interpunkcijski znak "tačka" i dodaju se tač. i), j), k), l) i m) koje glase:

"i) vozilo čija najveća dopuštena brzina ne prelazi 45 km/h;

j) vozilo koje koristi ili je pod nadzorom oružanih snaga, civilne zaštite, vatrogasnih službi i snaga odgovornih za održavanje javnog reda;

k) vozilo koje se koristi za provjeru na cesti radi tehničkog razvoja, popravaka ili održavanja te novih ili prenamijenjenih vozila koja još nisu puštena u upotrebu;

l) vozilo koje se koristi u vanrednim stanjima ili je stavljeno na raspolaganje spasilačkim misijama;

m) vozilo koje se koristi za prijevoz posmrtnih ostataka."

Član 2.

U članu 8. stav (1) mijenja se i glasi:

"(1) Dobar ugled nema:

a) pravno lice i upravitelj prijevoza u pravnom licu te fizičko lice:

1) koje je pravosnažno bezuvjetno osuđeno zbog krivičnog djela protiv radnih odnosa i socijalnog osiguranja, okoliša, opće sigurnosti, sigurnosti saobraćaja, imovine, privrede, službene dužnosti te zbog krivičnog djela falsifikovanja,

2) kojoj je izrečena sigurnosna mjera zabrane obavljanja djelatnosti cestovnog prijevoza,

3) koje je osuđeno za druga krivična djela na kaznu zatvora duže od godinu dana.

b) lice:

1) koje je u zadnje dvije godine od dana podnošenja zahtjeva za izdavanje licence pravosnažnom odlukom prekršajnog suda više od dva puta bilo kažnjeno za teži prekršaj (ukupan iznos veći od 10.000 KM), povezan s obavljanjem djelatnosti cestovnog prijevoza putnika ili tereta, iz područja sigurnosti cestovnog saobraćaja, prijevoza opasnog tereta, nezakonitog rada i zapošljavanja, javnih cesta, nelojalne konkurencije, ili je obavljalo prijevoze bez odgovarajuće licence, odnosno u suprotnosti s odredbama međunarodnih ugovora,

2) kojem je izrečena zaštitna mjera zabraneobavljanja djelatnosti cestovnog prijevoza".

Iza stava (1) dodaje se novi stav (2) koji glasi:

"(2) Dobar ugled se dokazuje izvodom iz krivične evidencije i evidencije o prekršajima. Ako takva evidencija ne postoji ili iz iste nije moguće utvrditi činjenice, dokazom se smatra izjava odgovornog lica u pravnom licu ili fizičko lici, ovjerena kod notara."

Dosadašnji stav (2) postaje stav (3).

Član 3.

U članu 10. stav (2) tač. b), c) i d) mijenjaju se i glase:

"b) srednjoškolsko obrazovanje, najmanje III stepena saobraćajnog cestovnog usmjerenja, ako prijevoznik obavlja prijevoz sa tri do devet motornih vozila,

c) srednjoškolsko obrazovanje, najmanje IV stepena saobraćajnog cestovnog usmjerenja, ako prijevoznik obavlja prijevoz sa 10 do 19 motornih vozila,

d) visoko obrazovanje, najmanje VII stepena saobraćajnog cestovnog usmjerenja, odnosno stečenih minimalno 240 ECTS bodova saobraćajnog cestovnog usmjerenja, ako prijevoznik obavlja prijevoz sa više od 19 motornih vozila."

U stavu (3) riječi: "više od jednog" zamjenjuju se riječima "više od dva".

Iza stava (3) dodaju se st. (4) i (5) koji glase:

"(4) Izuzetno od odredbi stava (2) tač. b) i c) ovog člana, upravitelj prijevoza može biti lice koje ima završeno visoko obrazovanje VII stepena, odnosno stečenih minimalno 240 ECTS bodova pravnog, ekonomskog, saobraćajnog ili mašinskog smjera, kao i lice koje ima završeno visoko obrazovanje VII stepena odnosno stečenih minimalno 240 ECTS bodova i najmanje 10 godina iskustva na poslovima kontinuiranog upravljanja prijevoznom djelatnošću prijevoznika.

(5) Izuzetno od odredbi stava (1) tačka a), prilikom podnošenja zahtjeva za izdavanje licence prvi put, može se izdati licenca za obavljanje prijevoza do ispunjavanja uvjeta iz stava (1)

tačke a), sa tim da taj period ne može biti duži od šest mjeseci, nakon čega se ista može zamijeniti licencom koja važi do pet godina od dana izdavanja prve licence."

Član 4.

U članu 12. stav (1) iza riječi "vozilo" dodaju se riječi:

"zajedno sa dokumentacijom kojom se dokazuje ispunjavanje uvjeta propisanih ovim Pravilnikom".

Iza stava (1) dodaje se novi stav (2) koji glasi:

"(2) U slučaju produženja licenci iz stava (1) ovog člana, prijevoznik dokazuje ispunjavanje uvjeta kod kojih je došlo do promjene, u odnosu na važeće licence, ispunjavanje uvjeta iz člana 9. tačka b) ovog Pravilnika i podnosi izjavu da ostali uvjeti nisu promijenjeni".

Dosadašnji st. (2), (3), (4) i (5) postaju st. (3), (4), (5) i (6).

Član 5.

U članu 22. iza stava (2) dodaje se stav (3) koji glasi:

"(3) Izuzetno od odredbi st. (1) i (2), smatrat će se da je stručno osposobljeno lice koje ima najmanje VII stepen saobraćajnog cestovnog usmjerenja, odnosno koje ima minimalno 240 ECTS bodova saobraćajnog cestovnog usmjerenja."

Član 6.

U članu 24. u stavu (1) tačka a) mijenja se i glasi:

"a) Lice koje ima završeno visoko obrazovanje pravnog, ekonomskog, saobraćajnog ili mašinskog smjera oslobođeno je polaganja dijela ispita iz predmeta koje je tokom svog obrazovanja položilo."

Član 7.

U članu 25. iza stava (3) dodaju se st. (4), (5) i (6) koji glase:

"(4) Kvalifikacijska kartica se izdaje sa rokom važenja od 5 godina.

(5) Izuzetno od odredbi stava (1) tačka d) i stava (4) ovog člana, kvalifikacijska kartica koja se izdaje prvi put, može se izdati sa rokom važenja od šest mjeseci vozačima koji ispunjavaju uvjet propisan u članu 28. stav (1) ovog Pravilnika.

(6) Produženje kvalifikacijske kartice se vrši izdavanjem nove kvalifikacijske kartice u skladu sa stavom (4) ovog člana, ako se uz zahtjev za produženje kvalifikacijske kartice dostavi dokaz iz stava (1) tačka d) ovog člana, koji ne može biti stariji godinu dana od dana isteka važeće kvalifikacijske kartice."

Član 8.

U članu 43. u stavu (2) riječi: "31.12.2013. godine" zamjenjuju se riječima: "01.05.2014. godine".

Član 9.

Ovaj Pravilnik stupa na snagu prvog dana od dana objavljivanja u "Službenom glasniku BiH".

Broj 01-02-2-572/14
04. marta 2014. godine
Sarajevo
Ministar
Damir Hadžić, s. r.